



Wanga u dīvha tshifhinga



Zandile Malaza







Wanga u na watshi ntswa. U khou guda u
amba tshifhinga.

“Ni khou vha khwine kha u vhala tshifhinga,
Wanga,” vha ralo makhulu.

Thaidzo ndi ya uri Wanga ha fari tshifhinga.
U ita zwiṅwe na zwiṅwe nga u ongolowa!



“Ndi awara ya vhu 6 zwino, Wanga,” vha ralo makhulu. “Ndi tshifhinga tsha zwiliwa zwa masiari.”

Wanga u la zwiliwa zwawe nga u ongolowa.

“Hoyu mutukana u ongolowa sa mbungu,” vha ralo u humbula makhulu.







“Ndi awara ya vhu 7 zwino, Wanga,” vha ralo makhulu. “Ndi tshifhinga tsha u tamba na u lugela u edela.”

Wanga a tamba maño awe nga u ongolowa. A lugela u edela nga u ongolowa.

“Hoyu mutukana u ongolowa sa khumba,” vha ralo u humbula makhulu.



Nga awara ya vhu 6 matsheloni a tevhelaho,
Wanga u tshee o lala thovhoni.

“Vuwani, Wanga!” vha ralo makhulu.

“Hoyu mutukana u ongolowa sa dongololo,”
vha ralo u hambula.







Ndi awara ya vhu 7 nga matsheloni.

“Tavhanyani, Wanga! Ni do lenga tshikoloni,”
vha ralo makhulu.

Wanga a ongolowa u tamba. A ambara nga u
ongolowa. A ongolowa u la zwiliwa zwawe zwa
matsheloni.

“Hoyu mutukana u ongolowa sa luaviavi,” vha
ralo u humbula makhulu.



Zwino ndi awara ya vhu 8 nga matsheloni.

Wanga o lenga u ya tshikoloni. A hu khou
vhonala vhañwe vhagudiswa.

“Tavhanyani, Wanga!” vha ralo makhulu.

Fhedzi Wanga a tshimbila nga u ongolowa,
a tshi khou awela na ndila.

“Hoyu mutukana u ongolowa sa tshibode,” vha
ralo u humbula makhulu.







Nga awara ya vhu 10 nga matsheloni, Wanga a tshimbila nga u ongolowa kilasini.

Vhothe vha mu zwondolola. O lenga vhukuma!

Wanga ha funi u zwondololiwa na luthihi.
U khou shonesa.

“Ndi nga si tsha dovha u ongolowa na u lenga hafhu. U bva zwino, ndi do sedza watshi yanga na u fara tshifhinga kha tshiwe na tshiwe!” u ralo u difulufhedzisa.



Matsheloni a tevhelaho, Wanga a vuwa nga u
ṭavhanya a sedza watshi yawe. Ndi awara ya
vhu 5. Makhulu vha tshee vho edela.

Nga u ṭavhanya, Wanga a lugela u ya
tshikoloni.

Ṇamusi Wanga a si tshibode. Ṇamusi Wanga
ndi lugwentofu!







Wanga a tshimbila nga u tshanya a tshi ya tshikoloni. Ha vhuyi a ima na luthihi.

Musi a tshi swika, a sedza watshi yawe. Ndi awara ya vhu 7 nga matsheloni nahone ndi wa u thoma u swika tshikoloni!



Maɖuvhano Wanga ha tsha lenga. U vho kona u vhala tshifhinga. Nahone u bvela phanɖa na u fara tshifhinga.

Makhulu vha khou ɖihudza ngae!